

TEKS UCAPAN
Y.B. TUAN JAFFPERI OTHMAN
Pengerusi Jawatankuasa Induk
Seminar Pendidikan Melayu Antarabangsa
Sempena Perasmian Penutup SePMA 2010
pada 31 Mac 2010, di Dewan Kapitol, Kangar, Perlis.

Bismillah Hirrahan Nirrahim

Assalamualaikum Warahmatullahi Taala Wabarakatuh Dan Salam 1Malaysia.

Yang Berbahagia Brig. Jen. Dato` Prof. Dr. Kamarudin Hussin,
Naib Canselor Universiti Malaysia Perlis, merangkap Pengerusi
Bersama Seminar Pendidikan Melayu Antarabangsa (SePMA)

Yang Berbahagia Datuk Dr. Hj. Jamil B. Mukmin,
Naib Presiden DMDI merangkap Timb. Pengerusi SePMA

Yang Berbahagia Tuan Jazli B. Fadzil
Pengarah, Biro Tatanegara JPM Negeri Perlis

Yang Berbahagia Prof. Dr. Zul Azhar Zahid Jamal, Timbalan
Naib Canselor (Penyelidikan dan Inovasi)

Yang Berbahagia Prof. Dr Sazali Yaacob, Timbalan Naib
Canselor (Akademik dan Antarabangsa)

Pegawai-Pegawai Utama Universiti.

Pegawai-Pegawai Kanan dari Kementerian Pengajian Tinggi
Malaysia

Dekan – Dekan Dan Ketua-Ketua Jabatan,

Yang Berusaha Barisan Sekretariat,

Wakil-Wakil Media,

Seterusnya para pembentang dan peserta SePMA sekalian.

Alhamdulillah, bersyukur ke hadrat Ilahi dengan limpah dan kurnianya dapat kita bersama untuk menjayakan Majlis Perasmian Penutup Seminar Pendidikan Melayu Antarabangsa ini.

Terlebih dahulu, saya ingin merakamkan ucapan terima kasih dan tahniah kepada barisan sekretariat yang telah bertungkus lumus memastikan kelancaran seminar yang berlangsung selama tiga hari ini. Sesungguhnya, komitmen dan keringat anda semua amat saya hargai.

Hadirin sekalian,

Seperti yang kita sedia maklum, bangsa Melayu masih dianggap ketinggalan dalam bidang pendidikan berbanding kaum lain di negara ini. Penganjuran seminar ini merupakan

permulaan yang baik bagi masyarakat melayu di negeri ini khususnya dan negara ini amnya.

Ini kerana melalui pengajuran seminar seperti ini akan dapat mencambahkan idea – idea baru bagi membantu meningkatkan kesedaran masyarakat Melayu tentang kepentingan ilmu pengetahuan untuk memastikan kewujudan Bangsa Melayu di negara ini.

Hadirin sekalian,

Setiap tahun kerajaan memperuntukkan berbillion ringgit untuk memastikan setiap rakyatnya mendapat pendidikan yang berkualiti dalam usaha melahirkan modal insan yang berkualiti bagi memacu negara untuk menjadi negara maju pada tahun 2020.

Kesungguhan kerajaan dalam melahirkan rakyat berilmu sudah jelas apabila tema sambutan hari kemerdekaan pada tahun 2004 iaitu “Pendidikan Teras Pembangunan Insan”. Namun, yang menghalang masyarakat Melayu dalam masalah ini adalah tiada kesepakatan dan mengambil mudah dalam soal pendidikan.

Perkara ini kita dapat lihat dengan meningkatnya masalah sosial yang melanda golongan remaja Melayu pada masa kini,

dan kadar pengangguran yang tinggi. Mungkinkah mereka merasa amat selesa dengan keamanan negara yang kita kecapai sekarang? Sehingga mereka lupa bahawa bangsa asal negara ini sedang ketinggalan dari kaum-kaum lain.

Atau, mereka berpendapat, mereka tidak perlu takut kerana kerajaan akan terus membantu Melayu dan Melayu akan terus menjadi pemimpin pada masa akan datang?

Hadirin dan hadirat sekalian

Apa yang kita nampak pada hari ini golongan remaja juga masih berfikiran seperti masyarakat Melayu lama yang tidak berani untuk berdikari dan hanya mengharapkan belas ihsan kerajaan atau subsidi. Seperti contoh, tidak ramai yang berani untuk menyambung pelajaran di pusat-pusat pengajian swasta dan bekerja di sektor swasta atau menjadi usahawan kerana takut mengambil risiko seperti bangsa lain.

Mungkin disebabkan pemikiran beginilah bangsa kita terus merasa lega dan selesa tanpa perlu memikirkan kepentingan pendidikan yang mampu untuk mengubah nasib bangsa.

Oleh itu, para pemimpin dan bijak pandai Melayu haruslah terus mencari penyelesaian yang terbaik menonjolkan Melayu di era dunia yang semakin kompetitif ini.

Saya berharap, seminar seperti ini akan diteruskan dan disertai lebih ramai cendekiawan dan anak muda untuk memberikan pandangan dan hala tuju yang konstruktif bagi membangunkan bangsa Melayu.

Saya juga amat yakin dan percaya dengan resolusi yang telah dicapai seterusnya diserahkan kepada DMDI Negeri Perlis ini akan diberikan perhatian di peringkat negeri seterusnya menggerakkan jentera negeri untuk dilaksanakan.

Sekali lagi saya ingin merakamkan jutaan dan berbilang terima kasih kepada semua penaja dan penganjur bersama SePMA ini dengan jumlah tajaan yang telah diberikan :

Bil	Penaja	Jumlah
1	Kementerian Pengajian Tinggi	50,000.00
2	DMDI	25,000.00
3	Tenaga Nasional Berhad	25,000.00
4	Biro Tatanegara	5,000.00
5	Kerajaan Negeri Perlis	50,000.00
6	Universiti Malaysia Perlis (tuan rumah)	50,000.00

Dan sudah pastinya tidak lupa kepada sahabat-sahabat saya di UniMAP yang cukup komited dan berdedikasi dalam memastikan setiap inci tugas yang diamanahkan

dilaksanakan dengan baik sekali. Kepada pihak Jabatan Pengangkutan Jalan, PDRM, Hospital Tuanku Fauziah, Jabatan Penerangan, RTM Perlis dan rakan-rakan media, kerjasama yang diberikan amat disanjung tinggi.

Sebelum saya mengakhiri, terimalah sajak **"Pesanan Buat Melayu"**

*Kau diberi cangkul dan tajak
seharusnya tahu rasional bertindak;*

*"Tanah mana sesuai dibajak
selama mana kau akan bertinjak
tak sesia kau diasuh bijak."*

*Kau diberi pisau dan parang
bukan untuk berperang;*

*Perlu pandai memotong dan mencincang
biar yang elok tak terbuang
kalau yang cacat tak kelihatan
yang terlebih tiada pembaziran
disukat diukur biar berpadanan
usah senjata termakan tuan."*

*Sekalipun di tanganmu keris berbisa
bukan untuk menghunus sesuka;*

*"Usah onar mencipta angkara
amanah dijunjung paling utama
dosa pahala ditimbang dikira*

*Selagi kau Melayu perkasa
adap dan adat tunjang pusaka;*

*"Kelemahan bukan perhitungannya
usah alasan melemahkan bangsa
andai kecundang tanpa usaha
sekali gagal berputus asa!"*

*Pintar Melayuku sentiasa beringat
usah menghalalkan cara kerana hajat;
demi kenikmatan yang tak berkat;*

*Kesenangan bukannya di jalan singkat
hati tamak buruk akibat
kaki sendiri tersadung terjerat
dunia terang tiada lagi nikmat
akan berganti gelap gelemat!"*

Nukilan : Eman Shah

Sekian,

Wassalamualaikum Warahmatullahi Wabaraktuh.